

叔莊夢中得句唱和集

王冕以詩夢乃在孤山處士而和靖夢中之詩不傳戴復古云
江山花草生詩夢予觀藏海園固已盡江山花草之勝矣而君
又爲孤山後人宜有夢也昔之詩人多有詩夢靈運之池塘春
草太白之夢遊天姥皆夢後得詩非夢中詩也東坡夢得詩數
十篇覺僅記一首而放翁前後夢得詩者三甲子十月夢飲酒
賦詩覺僅記一二後復夢李知幾范至能諸公請賦詩覺而僅
忘一二字惟丁巳夢至鳳山賦詩覺則不遺一字去歲菽莊夢
得詩一首覺僅記雨後風輕入望涼之句遂續成四首徵同人
唱和今夏予重來鷺江菽莊招飲賦詩予先至客尙未集見同
年汪君杏泉案上有菽莊夢中詩句倡和吟草一集予維古之

詩夢惟陸爲最多今備載渭南集中而菽莊主人之詩視務觀亦不多讓而務觀爲古今詩中第一壽人菽莊之壽當必有過之者矣但務觀生平雖獨享詩人之福而南園東泉記見譏清議晦翁憂其爲有力所牽挽不得全其晚節何如先生於改革之後遯跡園林不樂仕進其詩福不讓渭南詩品又在渭南之上是誠無愧孤山處士者也叔莊詩侶日多詩學日上異日全集梓行當必風行海內而酬唱一集特其嚆矢耳爰僭數言以弁其首

壬戌八月社小弟陳海梅序於鷺門廬次

菽莊夢中得句倡和集

夢中得詩一首醒後僅記雨後風輕入望涼七字因足成

七截四首

林爾嘉菽莊

雨後風輕入望涼江天一角寫晴光四山寂靜濤聲壯獨立平臺待夕陽

微雲低抹暮山蒼雨後風輕入望涼行過橋欄四十四懸崖吹下草花香

亭真率見人真率閒坐微吟長抱膝雨後風輕入望涼江灣盡處孤帆出

大海依然袖裏藏一園深閉日舒長開軒恰對雙峰塔雨後風

輕入望涼

閩侯 陳海梅 香雪

雨後風輕入望涼
滄波一片寫詩光
黃昏滋味無人領
獨倚橋闌看夕陽

晚山塔外遠煙蒼
雨後風輕入望涼
追憶去年消夏到
吟餘飽啖荔支香

高賢不任人牽率
嘯侶清譚常促膝
雨後風輕入望涼
浴波時見沙鷗出

搆得園亭迹自藏
得專一壑趣尤長
海天無際詩心濶
雨後風輕入望涼

閩侯 陳培錕 韻珊

雨後風輕入望涼夢中詩句似池塘無人識此佳滋味祇付江
天寫夕陽

一亭草創水中央雨後風輕入望涼獨喜二更人語靜微聞藕
葉倍花香 荷塘

蚊蠅擾擾爭白日坐不設牀一虛室雨後風輕入望涼四溟畫
裏孤舟出 談瀛軒

四四橋關似曲廊左山右海卻深藏最宜貯月開軒處雨後風
輕入望涼 四十四橋

陳望曾 蟄盒

風廻水閣漾輕涼
滂靄初晴欲放光
自續西堂夢中句
卻懷小隱寄華陽

倚玉蒹葭老更蒼
相違九度易暄涼
分甘且自尋前約
南海今年荔又香

光霽襟懷常坦率
興來迴擁長吟膝
謝家池館足延涼
景在詩中如畫出

洞天有地任韜藏
靜裏方知道味長
蝶夢蘧々初醒後
此心何處不清涼

閩侯林 蒼天遺

雨後風輕入望涼
海山數點水中央
幽人睡起渾無事
獨倚闌

千送夕陽

滄溟一片渺何鄉
雨後風輕入望涼
寫出十分空濶意
詩家秋思落南荒

人生一夢移時老
只有眼前光景好
雨後風輕入望涼
分明身在蓬萊島

七字何人會斷腸
吾宗處士最堂堂
他年海內傳佳句
雨後風輕入望涼

閩侯 吳炎南 樵笑

雨後風輕入望涼
鷺門十里好風光
夢中得句殊清絕
知有秋心隔豔陽

雨中曾見海山蒼
雨後風輕入望涼
卻被先生詩道出
當時但

欠藕花香

甲寅秋仲停舟鷺門擬謁先生以遇雨不果天晴云
纔縱目舵樓微颺送爽俯仰爲快誠有如先生所

者

詩人作詩畏牽率
卽景翛然抱吟膝
雨後風輕入望涼
幾篇足

成海月出

人海成城中
慙自藏三山青翠
遶城長登樓
昨日逢秋霽
雨後

風輕入望涼

今夏實居城東隣院有樓一楹四望寥豁入秋新
雨晚晴登眺覺南風習習滿目清涼意爽如也

閩侯陳福載還爽

雨後風輕入望涼
晚來詩思滿江光
分明一幅天然畫
好手何須倩白陽

靈巖終古鬱青蒼
雨後風輕入望涼
料想山人延竚處
一時花草發幽香

平生不受人牽率
自向閒軒談促膝
雨後風輕入望涼
肺肝竹石槎枒出

景物園中無盡藏
冰牀滋味晝方長
渴來佳句喧傳遍
雨後風輕入望涼

江蘇吳承烜東園

雨後風輕入望涼
夏山如滴溼嵐光
海濱葵藿知多少
到處傾心向太陽

鶴汀鳬島鬱蒼七
雨後風輕入望涼
四十四欄閒倚遍
滿衣花

氣綺羅香

天宮昨夜探兜率曉夢未離金夾膝

句借

雨後風輕入望涼一丸

紅日扶雲出

世界壺中粟粒藏涵虛水遠接天長
囂塵洗盡無煩熱雨後風輕入望涼

前人

雨後風輕入望涼披裘五月傲嚴光
平臺低處臨滄海一綫濤頭送夕陽

晴嵐四壁轉青蒼雨後風輕入望涼
隱隱飛橋欄卅四山花澗草發幽香

林亭我欲尋眞率詞客晤談頻促膝雨後風輕入望涼雙峰塔
自雲中出

金碧樓臺霧半藏陰陰蜃氣海天長碧瀛萬里帆飛渡雨後風
輕入望涼

前人

雨後風輕入望涼洞庭波始混湖光戰雲一抹天如墨有客登
樓話岳陽

山川武漢鬱蒼七雨後風輕入望涼鄂北猶留乾淨土柴門臨
水稻花香

干戈滿地輕連率羽檄交馳忙脚膝雨後風輕入望涼將星光

黯妖星出

信有豐城寶劍藏
氣衝牛斗楚天長
洗兵待挽銀河水
雨後風輕入望涼

前人

巢父巢居自多樂
地壺公壺隱自適
性天鹿門爲偕老
之鄉龐家眷屬蟹
舍卽釣游之所張
叟生涯一舸鳴夷
五湖鷗夢煙波
遯跡泉石忘機海
立山飛六鼇策下
峯回路轉萬象在
旁不亦康乎何其
大也吾想菽莊主
人受書而拜長恩
度曲而呼大捨涼
生詩夢乞趾離助
我之靈遠結墨緣
有謝朓驚人之句
投桃報李永好之
情訪藕尋蓮大同
之量仿轆轤體例
儼如意指揮

四疊霓裳七襄雲錦既見青霞之氣又聞白雪之歌烜念六十
年中猝逢知己在五千里外敢賦由庚東野爲雲昔日傾心相
向南樓望月何時攜手同行老耄無能期攀有道雖則神交水
淡庶幾弘獎風流視勿弁髦倡予和汝言將冠首合衆樂羣其
詩曰

雨後風輕入望涼
德星聚處有輝光
鄧林不與戈同化
逐日憑誰問魯陽

白衣變幻暮雲蒼
雨後風輕入望涼
四十四橋欄已盡
蠻花竚草散天香

雅人高致情麤率
仙藥借鋤斲牛膝
雨後風輕入望涼
煙銷四

壁青山出

螭殿龍宮霧裏藏雙峰塔倚海天長
廈門十萬三千頃雨後風輕入望涼

前人

雨後風輕入望涼好山好水好時光
通仙別有恒春室瑤草琪花日載陽

茶煙絲颺髮毛蒼雨後風輕入望涼
鶴夢清醒塵夢濁藥籠新製返魂香

林泉養望驕連率願逐漁樵泥濺膝
雨後風輕入望涼青峰劃破飛泉出

信有蛟龍洞壑藏自來源遠始流長輸他一指齊天地雨後風
輕入望涼

前人

雨後風輕入望涼山中日月煥重光是誰海國雄爭長累我時
時說李陽

四山柏翠夾松蒼雨後風輕入望涼待奏九天鈞一曲仙巖遇
否段安香

測蠡未許操觚率戲水六龍齊擁膝雨後風輕入望涼閒雲戀
岫無心出

萬物苞苴萬寶藏菁華薈萃歲年長海門一束乾坤小雨後風

輕入望涼

前人

雨後風輕入望涼興來潑墨揚銀光
唱酬詩句抄多少紙價遙知貴洛陽

鷺江閩海鬱蒼七雨後風輕入望涼
太僕板橋舊時墅楹書猶染綠芸香

求工文豈操觚率高士耽吟惟抱膝
雨後風輕入望涼長笛一聲明月出

歉歲憑誰話蓋藏手中物短怕鑪長
填胸塊壘應澆盡雨後風輕入望涼